

+H

corpus: ReF.MLU

language-area: südbairisch

language-region: ostoberdeutsch

language-type: oberdeutsch

genre: P

medium: Handschrift

time: 14,2

reference: Hs.: Blatt (r/v), Kolumne (a/b), Zeile

corpus-sigle: F040, I-Ac-P1,H

text: Herzog Rudolf der Stifter und die Tiroler Städte

text-author: -

text-type: RG Rechts- und Geschäftstexte (Urkunden)

assignment_quality: Z2

hoffmann_wetter_nr: HW 1160; ZK

library: Bilddateien aus Edition (Faksimile)

library-shelfmark: -

date: 1363 - 1365

place: -

text-place: Schreiborte: Hall, Brixen, Meran, Innsbruck, Wien

printer: -

edition: Edition: Huter, Franz (1971): Herzog Rudolf der Stifter und die tiroler Städte. Festgabe der Gewerblichen Wirtschaft Tirols zum 600-Jahr-Jubiläum der Vereinigung Tirols mit Österreich. Mit 20 Facsimile-Tafeln und 22 Urkundentexten. Innsbruck/München (Tiroler Wirtschaftsstudien 25).

size: -

language: fnhd

literature: -

notes-transcription: Zählung der Urkundenblätter nach Zählung der Faksimile-Tafeln, nicht nach Edition, dort einige Urkunden aus späterem Kopialbuch eingefügt. Wenige Abbriviaturen, z.B. e|gen\{\}&1 für 'egenannten'; Anmerkungen zur Annotation;; I. Lautlich; 1. z.T. e-Apokope (neben Formen auf -e); u.a. Auswirkung auf; - Pluralmarkierung von Substantiven und Pronomen; 001,06 vnd vns ouch derfelben Land; 009,11 vnfer brueder vnd erben; -Markierung von auf -e auslautenden Feminina bei Substantiven und Pronomen;; 014,10 an 'ohne' all widerred;/ 014,03 vnfer gnad;/ - keine graphematische Unterscheidung zw. den Präpositionen an und 'ohne'; 2a. Diphthong. Form des Suffixes -lich(e): leich; 005,09 redleich; 007,06 etleichen; 2b. -rich;; 016,02 hainreichen; II. Formen; 1. Substantiv; - alte mhd. Pluralformen;; 003,08 daz ir/ evre kind/ vnd evr nachkomen; - nicht immer eindeutig, Sg. und Pl. zu bestimmen, im Zweifelsfall ausgesternt, sehr häufig mit vorangestelltem all (entweder Sg. 'jede(r)' oder Pl. 'alle');; 001,10 wizzentlich/ mit difem brief/ all hantfest/ brief/ vnd vrchünd/(,) all freyhait/(,) recht/ vnd gnad(,); 2. Adjektive/Pronomen; Nom./Akk. n. Sg. ohne Flexiv; 002,16 vnfer grozz fürftliches Infigel; 005,08 ain zeitlich/ vnd redlich geschêfft; sw. Formen Akk. f. Sg.; 005,12 alfo bestêtigen wir in/ dieselben freyung/ (oder Pl.?) ; 007,19 vncz an die fvmften sippe(,)

abbr_ddd: RudTir

extent: FnhdC: -; compl: Auswahl: Aussparung von 10 Urkunden, die mehr oder weniger eindeutig von anderen Händen stammen (betrifft IV, VIII, X, XI, XII, XIII, XV, XVII, XVIII, XIX). Auswahl also: I, II, III, V, VI, VII, IX, XIV, XVI.

extent-size: FnhdC: -; compl: 5.372 WF

@H

F040-001,01 WIr Ruodolff der vierd von gottes gnaden erczherzog ze ostereich ze steyr und ze kernden her ze krain auf der windischen marich vnd Porttnaw / graf ze habspurg ze Tyrol ze phirt / vnd ze kyburg marichgraf ze Purgow / vnd Lantgraf in Elsazz . Veriehen vnd tuon chunt offentlich mit disem brief . Wie das ist / daz wir von natur

F040-001,02 licher / vnd angeborner milticheit / alle vnser Untertan genedichlich / vnd gvnstlich , versorgen sullen , so sein wir doch mer gepvnden / dan / die von newen dingen an vns / geerbet / vnd geuallen sind / vnd die sich / allzeit von alter / vns / vnd vnsern vordern / dinstlich erbotten / vnd ercaigt habent . Vnd wan / von haizzens wegen der hoch gebornen furstinn , frown Margreten , herczoginn ze payrn / vnd Grefinne ze Tyrol unser lieben mvmen / die uns / vnsern bruedern / vnd erben / alle ire Land vnd hab wizzentlich gemacht / vnd vns ouch derselben Land / vnd hab / ir nechsten / vnd rechtisten erben / erchant vnd geoffent hat / nach sag der hantfest die wir daruber haben . Vns die erbern vnd weisen der Richter .. der Rat und die purger gemainlich ze Poczen / vnser lieben getrewen / geswornen / vnd gehuldet habent / vnd habent vns / vnsern bruedern / vnd Erben darvmb iren vnd irr statt / offen brief geben haben wir / als ain Graf ze Tyrol / fur vns vnser brueder / vnd erben / den e genanten purgern / iren nachkomen / vnd irr statt ze

poczen ewichlich vernewet / vnd bestetiget / vernewen vnd bestetten ouch wizzentlich / mit disem brief / all hantfest / brief / vnd vrchund / all freyhait / recht / vnd gnad die si / vnd ir vordern bei alten fursten / vnd furstinn Grafen vnd Grefinn herren / vnd frowen / ze Tyrol / vnd an der Etsch / vnd svnderlich von seliger gedechtnusse weilent herczog hainer von kernden / von margraf Lud

F040-001,03 weigen von brandenburg / herczogen ze payrn Grafen ze Tyrol vnsern lieben Ohemen / von herczog meinharten / desselben margraf Ludweigs svn / vnsern lieben swager / vnd iczund von frow:n margreten herczoginn ze payrn / vnd Grefinn ze Tyrol / des e genanten herczog meinharts mueter / vnser lieben mvmen habent / vnd wellen / daz dieselben hantfest / brief vnd vrchund / bey iren kraften beleiben / in allen artikeln / vnd pvnten als si lauttent vnd daz ouch in vnd iren nachkomen / die e genanten freyhait / recht / vnd gnad / werden stet / behalten / in aller weis als die von alter sind her chomen . Darvmb emphelhen wir / allen hauptleuten / vnd amptleuten / ze Tyrol / vnd an der Etsch wer die sind vnd allen andern Lantheren / Rittern / vnd knechten / daz si die e gen{1} purger von poczen / vnd ir nachkomen bei der e genanten / vnser bestettigung / vnd gnad / beleiben lazzen / vnd si dawider nicht phrengen / noch irren in dhainem weg vnd in die e genanten hantfest / brief / vnd vrchund / freyhait / vnd recht / die si von den ob gen fursten vnd furstinn habent her bracht an alle geuerd als da oben geschriben ist / stet vnd vnczebrochen halten / vnd nymmer dawider getuon / weder mit worten / noch mit werchen . Vnd des zu einen ewigen vnd offen vrchunde diser sache hiezzen wir vnser grozz furstliches Insigel henken an disen brief . Der geben ist ze Brichsen / an Sonntag / nach vnser frowen tag ze Liechtmess . Nach kristes gepurd dreuczehenhvndert iar darnach in dem drew/vndsechzigisten Iare . Vnsers alters in dem viervn

F040-001,04 zwainzigisten / vnd vnser Gewaltes in dem fvmften Iare . Wir der vor genant . herzog . Ruodolf . sterken . disen . prief . mit . dirr . vnder.schrift . vnser . selbs hant WIr Ruodolf der vierd von gottes gnaden Erczherzog ze Oestereich ze steyr vnd ze kernden / her ze krayn / auf der windischen marich vnd ze porttnaw / Graf zu habsburg ze Tyrol ze phirt vnd ze kyburch / marichgraf ze Purgow vnd Lantgraf in Elsazz . veriehen vnd tuon chvnt / offentlich mit disem brief / allen den die in sehent / lesent / oder horent lesen . wan von haizzens / vnd gescheftes / wegen / der hoch gebornen furstinne frown margreten herczoginn ze payrn vnd Grefinne ze Tyrol vnser lieben mvmen / die vns vnd vnser lieb brueder / ir nechst / vnd rechtist erben / erchant vnd geoffent hat / an der Grafschaft ze Tyrol / vnd der herschaft an der Etsch vnd in dem Intal / vnd die vns darczu / gefuegt vnd gemacht hat / dieselben Land vnd all ir hab / als die brief vnd hantfest weisent / die wir daruber haben vns die erbern / vnd weisen . . der Richter . . der Rat vnd die purger / von hall vnser lieb getrewn zu vnsern / vnser brueder vnd erben handen / gern / vnd willichlich gesworn vnd gehuldet habent vnd habent vns darumb / irn / vnd irr stat / offen brief geben . haben wir / als ein Graf ze Tyrol vnd herre / an der Etsch / vnd in dem Intal fur vns vnser brueder vnd Erben / den e genanten Purgern / ze hall iren nachkomen / vnd irr stat ewichlich vernewet vnd bestetiget vernewen / vnd bestetten ouch wizzentlich mit disem brief all hantfest / vnd briefe / all freyhait / recht / vnd guot gewonhait oder gnad / die si von vnsern vrenen selig herczog meinharten von Kernden kvnig hainer von Behem margraf Ludweigen von brandenburg / vnsern lieben Oeheme / von herczog meinharten seinem svn vnsern lieben swager . Von iczund frown margreten herczoginn ze Bayrn vnd Grefinne ze Tyrol vnser lieben mvmen / vnd von aller fursten vnd furstinn Grafen / vnd Grefinn herren / vnd frowen ze Tyrol vnd an der Etsch vnsern vorvordern habent her bracht / an geuerd vnd wellen daz dieselben hantfest vnd brief bey iren chreften beleiben / in allen artikeln / vnd pvnten / als si lauttent vnd daz in iren nachkomen / vnd irr stat werden stet behalten die e genanten freyhait recht vnd guot gewonhait vnd sullen / wir vnser brueder vnd erben / si dabey schirmen . darvmb emphelhen wir allen hauptleuten vnd amptleuten / gegenwurtigen / vnd kvnftigen vnd allen vnsern vndertanen / daz si die ob genanten purger / bey diser bestettung beleiben lazzen / vnd in dawider chain ierrung tuon in dhainem weg . Vnd des ze einem waren / vnd offenem vrchund diser sache haben wir / vnser grozz furstliches Insigel gehenchet / an disen brief . der geben ist ze hall . Nach kristes gepurd dreuczehenhvndert Iar darnach in dem drew/vndsechzigisten iare Vnsers alters / in dem vier/vndzwainzigisten / vnd vnser Gewaltes in dem fvmften Iare / an der phaffen vasnacht / das ist / ze merken an dem svnntag / so man singet Esto michi Wir . der . vor . genant . herzog . Ruodolf . sterken . disen prief . mit . dirr . vnderschrift . vnser . selbs hant Wier Ruodolff von gotes gnaden herczog ze Oesterreich / ze Steyr / vnd ze kernden Graf ze Tyrol c Emben den erbern vnd beschaiden / vnsern lieben getrewen . . den Reten / vnd den purgern gemainlich / ze Insprukk / vnd ze hall / vnser gnad / vnd allez guot Durch der grozzen trew / vnd danchperr dienst willen / damit ier iczund / an vnserm anganch der land / an der Etsch / vnd in dem Gepirg / erberchlich / bei vns / bestanden seit / vnd durch der steticheit willen / der wir ew / ewichlich wol getrowen / Duncht vns pillich / daz wir ew / vnd evr vor genant stett / mit svndern gnaden / fur cziehen / vnd bedenchen / Vnd seind wir das gern tuon wellen / Geuellet vns wol / vnd haizzen ev / daz ir miteinander / vberain komet / vnd zu rat werdet mit welcherlay sache / vnd gnad / ev / vnd evern stetten / ze helffen sey / vnd vns / die stukch / verschriben sendet / so wellen wir ew / in der mazz begnaden / daz ir / evre kind / vnd evr nachkomen / des ymermer / nucz / vnd er gewinnet geben auf Tyrol / an Eritag / vor vnser frowen tag ze herbst . Nach kristes gepurd / dreuczehenhvndert iar darnach / in dem drew/vndsechzigisten iare hoc . est . verum Wir Rudolff der vierd von gotes gnaden Erczherzog ze Ostereich ze Steyr vnd ze Kernden her ze Krain auf der windischen marich vnd ze porttnaw Graf ze Habsburg / ze Tyrol / ze Phirt / vnd ze kyburg / marichgraf ze Purgow vnd lantgraf in Elsazz . Veriehen vnd tuon chunt offentlich mit disem brief fur vns / die hoch gebornen fursten herczog Albrechten vnd herczog Leuppolten / vnser lieb brueder / vnd fur vnser erben / allen den / die in sehent lesent

oder hoerent lesen . Wie wir in der Grafschaft / ze Tyrol / die newlich an vns geuallen / vnd gelukchlich / mit gotes hilff / zuo vnsern handen chomen ist / gern all vnser Vndertan besorgen / vnd nicht alain / bei alten rechten vnd freyungen schirmen vnd behalten halt ettleich mit newn gnaden vnd rechten / fur cziehen vnd bedenchen . So zimt doch wol vnd dunchet vns pillich / daz wir die svnderlich begnaden / die bei Tyrol allernechst / gesezzen sind vnd teglich mer dinst vnd arbeit darczuo tuont . Darvmb ist daz / wir die gelegenhait vnd notdurfft / vnser Stat an meran / fleizzichlich haben ausz genomen vnd haben derselben stat / vnd vnsern getrewn lieben .. dem Rat / vnd der Gemayn / der purger daselbs ewichlich dise recht gesezt vnd gnad geben / vnd geben vnd bestetten ouch / als hienach geschriben stet . Des ersten wellen / vnd seczen wir / swenn ayn man / oder ayn frawe / stirbet in der e genanten vnser Stat daz man ir erben die si lazzent nach irem tod vnbeswert lazze vnd daz in nicht zuo gesperrt werde ir habe die si lazzent / vnd daz in ouch chain inpruch darinne getan werde / in dhainen weg nach Landes recht / vnd gewonhait vncz an die fvmften sippe vnd waer ouch / daz ayn man / oder ayn frawe sturben vnd nicht erben liezzen / vber ier habe / die mugent wol vor irm tod / ain zeitlich / vnd redlich geschefft tuon durch ierr sel hail willen doch also daz vns vnser recht davon wideruaren / vnd geuallen / vnd ob si icht gulte liezzen die redlich waere / daz dauon iren geltern / vergolten werd / an widerred . Ouch wellen / vnd seczen wi:r / daz man vmb erlich sache dhainen gesezzen man oder frowen / die zu dem rechten guot sind nicht vahe noch in Turen lege / noch sich ierr hab vnderwinde / man nem ee / das recht / von in / vnd was in dann / das recht bringe / vnd sag / daz si das leiden / auf gnad vnurczigen was maleficie ist das an den leib get darvmb geschech was recht ist nach Landes recht / vnd gewonhait . Alz ouch dieselben vnser purger / nach iren alten hantfesten zollfrey sind vncz an solich gemerk des ersten von meran vncz an den lavfen Item / vncz an die vinstermuncz Item vncz an den Campen Item vncz an den Ritten Item / vncz an den Efeys . also bestettigen wir in / dieselben freyung / daz si dabey beleiben / als ir brief vnd hantfest sagent / vnd alz si die daher gevebt vnd genozzen habent . Darnach wellen wir daz denselben vnsern purgern / an meran gefreyt / gesichert / vnd auf getan werden / die rechten lantstrazz / die zuo der stat gent / vnd die man in vnphillich verslecht / vnd vermacht / vnd die doch / dieselb stat von alter zerecht / haben sol Vnd ob von gotes gewalt / vnd von wazzers not steg / prucken / oder weg / ab giengen / oder ab prechen / da sol man si ander lazzen machen als ez notdurfftig ist / mit den gesezten vnd rechten / die si von alter her bracht habent . Was ouch dieselb stat an meran ander rechten / freyungen / gnaden / vnd gesezten / von vnsern vordern / hat her bracht / vnd die der stat vnd den purgern nucz / vnd guot sind / ez sei vmb Erb oder aygen / vmb Lehen / oder vmb andrew Guot oder vmb chaufmanschaft / vnd arbeit / die haben wir den e genanten vnsern purgern / vnd iren / nach

F040-001,05 komen / bestettigt / vnd bestettigen ouch wizzentlich mit disem brief / in aller weise / alz ob si / von wort ze wort hie verschriben weren / an alles geuer . Dauon emphelhen wir / allen vnsern hauptleuten phlegern / vnd amptleuten / in disen Landen / gegenwurtigen / vnd chvnftigen daz si die ob gen vnser Stat an meran vnd vnser purger daselbs bei den ob genanten stukchen allen / schirmen / vnd fristen / vnd si dawider / nicht ierren / noch ierren lazzen / in dhainen weg / alz lieb in vnser huld vnd gnad sey . Vnd daruber / ze einem waren vrchund diser sache / vnd ewiger gedechtnuzz haben wir vnser grozz furstliches Insigel / gehencht / an disen brief . Der geben ist daselbs / an meran an sand michels tag . Nach kristes gepurd dreuczehenhvndert iar Darnach in dem Drew/vndsechzigisten iare . Vnsers alters in dem viervndzwainzigisten / vnd vnsers Gewaltes / in dem sechsten Iare . Wir . der . vor genant . herzog . Ruodolf . sterken . disen . prief . mit . dirr . vnderschrift . vnser selbs . hant WIr Ruodolff der vierd von gotes gnaden / Erczherzog / ze Ostereich / ze Steyr vnd ze kernden her ze krain auf der marich vnd ze porttnaw Graf ze Habspurg / ze Tyrol ze Phyr / vnd ze kyburch marichgraf ze purgow vnd Lantgraf in Elsazz . Veriehen / vnd tuon chunt offentlich mit disem brief . Wan uns unser getrewn .. die purger / vnd die Gemayn ze stercking / zaigten ettwe uil hantfest / vnd brief / die in von vnsern vordern / seliger gedechtnuss / Grafen ze Tyrol vnd heren an der Etsch / geben sind / vber etteswas gnaden vnd rechten / die doch nv / andern vnsern Levten iren vmb

F040-001,06 sezen ze swer weren vnd legten vns darczuo fur / manygerlay gebresten / die in vnd irr stat an liggent sind . Haben wir daruber ettleich mazz / ein mitt fvnden / vnd si also mit den gnaden bedacht / daz die strazz / die / daher auusserhalb der stat / ze Stercking / gewesen ist / sol ewichlich ab sein vnd sol furbas gen / vnd gevbt werden / durch die stat / Stercking / vnd nindert anderswo / vnd ob dhain strazz / oder weg / daruber / fur die stat stercking / waer / die sullen / vnd mugen si wol ab prechen vnd nider legen / an allermeniklich irrung / vnd hindernuzze Dauon emphelhen wir / allen vnsern hauptleuten / phlegern vnd amptleuten / gegenwurtigen / vnd chvnftigen / daz si die e gen{1} purger / vnd die stat ze Stercking / dabey schirmen / vnd halten von vnsern wegen / vnd si nieman / dawider / engen / noch irren lazzen in dhainen weg . Vnd des ze vrchund / geben wir disen brief besigelt / mit vnserm grozzen / an hangvndem Insigel der geben ist ze Inspruk / an sand dyonisen tag . Nach kristes gepurd dreuczehenhvndert iar darnach / in dem drew/vndsechzigistem Iare : Vnsers alters / in dem vier

F040-001,07 vndzwainzigsten / vnd vnsers Gewaltes in dem sechsten iare . hoc . est . verum WIr Ruodolff der vierd von gotes gnaden Erczherzog ze Ostereich / ze Steyr vnd ze Kernden her ze krain auf der Marich vnd ze Porttnaw / Graf Habspurg ze Tyrol ze Phirt vnd ze Kyburg / marichgraf ze purgow / vnd lantgraf in Elsazz . Allen gottes geterwen die disen brief ymmer gesehent , horent / oder lesent / vnd sunderlich vnsern getrewn vndertanen ewichlich / vnsern gruos vnd erchanntusse / diser nach geschriben dingen . Von dem hoechsten Throne der gotlichen magenchraft Ist furstlich wesen in diser welte verhenget / auf gesezt vnd gewirdet darvmb das dieselben fursten alz ausz erlesenew liecht von dem almechtigen gotte erleuchten die vinsten des volkes / ausz reutten die dorne der ierrung / vnd nach gotes willen vnd gebotte

das volk weisen / auf den weg der gerechticheit / recht tuon / vnd rechtlich richten / vnd nach pillicher erchantnuzz / vnd wizzentlicher schulde die argen verschulte leute mit rechtem Gerichte vmb ir missetat in mit leiden der erparmerhertzicheit straffen / vnd dagegen die gueten vnd gerechten / durch ir grozze trew / vnd iren verdienten louf hoehen vnd reichen / wirdigen / vnd eren mit besvndern gnaden als furderlich vnd alz gunstichlich daz ez chom in ein bevschaft vnd freude allen andern leuten durch das ouch die furbazzer in listlich vebvng trewen vnd warhait bracht vnd geczogen werden . Dis ist daz wir alz ein pillicher erchenner / enphangens guotes chvnden allen Leuten / do wir vormals bei newen zeiten durch Inganges / vnd leiplicher besiczung willen vnser Grafschaft von Tyrol der rechter erblicher vnd wizzentlicher her von natur vnd von geslecht wir sein chomen in vnser stat gen Hall in dem Intal vnd vns da nider geliezzen daz vns do begegerten vnd von ettleichen Gesten vnd Leuten auf stunden / solich swere / vnphillich hertte vngewoenlich vnd vngerechte leuffe daz wir in grozzen sorgen leibs vnd lebens / eren vnd gutes Landes vnd Leuten gar vnsicher waren / Vnd da die erbern / vnser lieb getrewen / die purger gemeinlich von Inspruk des erst geinnret wurdn do zugen si alz getrew nachuolger irr alten / vnd erbern voruordern / von den wir noch ander Levte nie nicht anders denn Ere / vnd guot / ganz trew vnd recht warhait vernomen haben / zu vns in die e genant vnser stat gen Hall mit irem Rate vnd von der Gemain alz erberlich alz mechtichlich / vnd alz verwegenlich als getrew piderb Levte die bei vns alz bei irem rechten heren / vbel vnd guot leiden / oder sterben / vnd genesen mit vns wolten . Vnd habent sich hiemit alz maendlich alz vnderschrokenlich vnd alz getrewlich zu vns gehalten / daz wir mit helff vnd Rate / ir / vnd vnser lieben getrewn der purger gemeinlich / von Hall / die sich mit sampt in ze gleicher wise geterwlich / vnd dinstperlich zu vns hielten von den gnaden des almechtigen gottes vberwunden / vnd vberchvmen haben / genczlich / all vnser arkwenigen hessigen / vngehorsamen vnd widerspenigen vnd sein mit gewalt vnd Eren chomen / in nuczlich / vnd leiplich gewer des vor gen vnser Landes darczuo vns die vor gen vnser purger alz furtreffentlich vnd alz getrewlich / geholffen vnd geraten habent daz gen vns vnsern brudern vnd erben ewichlich si all ir nachkomen vnd erben des ymmer geniezzen sullen alz das pillich ist . Darumb wan wir auz der hohe des keyserlichen gewalt / von vnsern alten vordern her dan sein vnd gescheczet werden / ein namlich / vnd furtrefflich Gelid des keyserlichen houbtes / vnd wir als ein obristes houbt / vnser Landen solich freyhait vnd recht haben / von dem heiligen Romischen Reiche daz vnser vordern vnd wir von alter her / also gefreyet bestiftet vnd gefurstet sein / daz wir in allen vnsern Landen / her

F040-001,08 scheften vnd stetten / die wir nu haben oder hinnach gewinnen / all freyhait vnd gnad recht / vnd gewonhait / durch beschaidenlicher vnd pillicher sachen willen / stiften / vnd stoeren auf seczen / vnd ab seczen / geben vnd nemen / minren vnd meren mugen in vnsern Gebieten alz wol alz ein Roemischer keyser oder kvnig in des heiligen Reiches gebieten . Haben wir fur vns vnser bruder vnd erben der aller vollen / vnd ganzen gewalt wir haben mit rechter wizzende nach guter vorbetrachtung / vnd Rate vnser fursten / Grafen / freyen / Lantherren dienstleuten Ritter vnd knechten / vnser Rates auz volkommenheit vnser furstlichen Ge

F040-001,09 walt mit aller der ordenung beschaidenhait vnd chraft worten / vnd geperden / die nach den e genanten vnsern freyhaiten / vnd rechten / dhains weges darczuo gehorent den e genanten vnsern purgern / von Inspruk vnd allen iren nachkomen / vnd erben ewichlich zuo ainem anuang vnser gnaden der si noch furbazzer ymmer von vns gewarten sullen / Gegeben wizzentlich vnd geben mit disem brief solich Recht freyheit vnd gewonhait / alz hienach geschriben stet . Des ersten geben wir in solich freyhait vnd Recht daz si auz allen vnsern Levten si sein vnser aygen / oder vogtlewt oder her chomen levte purger enphahen vnd nemen sullen vnd mugen ouch ze gleicher wise in ir purchrecht alle ander / Goczheuser Lewt freylevt / vnd vogtleut / wo oder vnder wem die gesezzen sein ze purgern enphahen ane vnser vnd menichlichs ierrung / oder widerred . Darnach seczen wir in dem namen alz davor / vnd wellen daz man auz allen vnsern gerichtten lazze zu der stat gen Inspruk furen holcz wildpret / vnd visch vnd daz ir vischer auf vnsern wazzern visschen ane vnser vnd allermenichlichs hindernusse . / oder irrung . Wir seczen ouch vnd wellen welich man oder weip / in derselben stat ane leiberben ab gat / daz das oder der guot vnd hab geualle auf die nechsten erben vncz an die fvmften sippe furbazzer geben wir in ouch solich freyhait vnd gnad daz man all ir wegen sol geen lazzen daz si vnd ir knechte / die fueren mugen / an all ierrung gen Terueys / vnd herwider in allen vnsern herscheften vnd gebieten / da wir her oder Vogt sein alz si die vor vierczig dreizig zwainczig vnd zehen iaren hin vnd her gefuert habent an alles geuer . Vnd darnach geben wir in von besvndern gnaden die freyung / was si weins in ir stat ewichlich furent / den si darinn vertuont vnd der von der stat nicht chvmt / von demselben wein / sullen si an dem Luog vnd an allen andern mautten / vnd zollen zollfrey vnd mauttfrey sein ewichlich Waz aber si oder ander levte weins von der stat verfuerent in andrew lant von demselben sullen si zusampt andern rechten die von alter dauon geuallent / geben zol vnd mautt die an dem Luog vnd an allen andern mautten / vnd zollen dauon gepuerent vnd sol das in der stat ze Inspruk beseczet werden mit vnser zollners wizen / vnd Rat von dem Luog daz daran chain vntrew vnd geuer geschehen mug / in dhainen weg . Daruber haben wir ouch den e gen{1} vnsern purgern von Inspruk bestettet in dem namen alz davor vnd bestetten in ouch wizzentlich mit disem briefe all ander ir freyhait gnad Recht vnd guot gewonhait wie die geschiket vnd genennet sind / die si von alter her bracht habent nach sag / der hantfesten / vnd briefe die si von vnsern vordern / der herschaft ze Tyrol / oder von vns daruber habent an alles geuer . Vnd gebieten ouch darvmb vestichlich bei vnsern hulden fur vns vnser brueder / vnd erben ewichlich allen vnsern gegenwurtigen vnd chvnftigen hauptleuten / amptleuten / purggrafen Lantrichtern statRichtern zollnern vnd phlegern / Lantherren Rittersn vnd knechten / vnd allen andern vnsern getrewn vndertanen / in vnser Grafschaft vnd dem Lande ze Tyrol an der Etsch vnd dem Intal daz si die vor gen vnser purger von

Inspruk ewichlich halten / schirmen vnd beleiben lazzen voellichlich / an all irrung bey allen den freyhaiten rechten vnd gnaden / die wir in pillich vnd gerne gegeben vnd bestett haben / als vor beschaiden ist an all geuerd / vnd arge list . Nyemanne dauon vnder allen Leuten sey erloubt vnd werde ouch nyeman alz geturstig daz er die vor gen vnser purger / nv / oder hinnach ymmer / an den e genanten gnaden / freyheiten vnd rechten / die wir in gegeben haben alleklich oder bey tailen irre bechrenche oder besweere in dhainen weg . Wer ez aber daruber tete / mit freuelicher getursticheit der wizze darvmb swerlich veruallen in vnser furstlich vngnad vnd darczu in pene vnd puezze / fvmf/vndzwainczig marken Goldes der zehen mark in vnser furstlich kamer / zehen mark den vor gen{1} vnsern purgern / vnd fvmf mark in vnser kanczlei geuallen sullen / alz dikch so ez ze schulde chvmt an all genad . Hiebey waren die diser ding sind gezeuge . Der Erwidig vnser lieber getrewr furst vnd kanczler Bischof Johans / von Gurk der erber geistlicher / vnser getrewr andechtiger / abt Chvonrat von wiltein die edeln vnser lieb ohem Graf Otte von Ortenburg Graf Wilhalm von myntfort Graf hans / vnd Graf Ruodolff / von Werdenberg von sandGans Geuettern vnd Graf fridreich von Toggenburg / vogt vlreich von metsch der Iunger vnd walther von der hohen klingen / freyen / der edel / vnser lieber getrewr graf Vlreich von Cyli vnser hauptman in Krain . Vnd daruber vnser lieb geterwn Hainer von Rotenburg / genant von Kaltarn / hofmaister ze Tyrol Johans vnd Vlreich / von Frevnczperch Ruodolff / von Empcz / Peter der Arberger / Hainreich von Potendorf / Otaker der Rorer / Hainer der Raspp / Stephan von Toppel / Hainreich von Rappach vnser hofmaister / Iohans kneuzzer / klaus von hays / vlreich anhangen kristan der zinzendorffer vnser hofritter / vnd ander erberr herren / Ritter vnd knecht vil . Vnd daruber zu einem waren vestenen / offenem vnd ewigem vrchunde geben wir den vor gen{1} / vnsern svndern lieben getrewn purgern ze Inspruk disen brief versigelten mit vnserm grozzen furstlichen / an hangendem Insigel . Der geben ist ze Inspruk an sand Gallen tag . Nach kristes gepurd drevczehenhvndert iar Darnach in dem Drewvndsechzigisten iare . Vnsers alters in dem vier/vndzwainczigisten Vnd vnsers Gewaltes in dem sechsten Iare . Wir . der . vor genant . herzog . Ruodolf . sterken . disen prief . mit . dirr . vnderschrift . vnser . selbs . hant In dem namen der hailigen vnd vngetaylten dryualticheit amen / Wter Ruodolff der vierd von gottes gnaden Erczherzog ze Ostereich ze Steyr vnd ze Kernden herr ze Krain auf der Marich vnd ze porttnaw Graf ze Habspurg ze Tyrol ze phirt vnd ze kyburg Marichgraf ze Purgow vnd lantgraf in Elsazz . Allen christi geloubigen / gegenwurtigen vnd chvnftigen hail in gotte vnd chvntschaft diser nach geschriben dingen . Die ewig weishait der vmbgreiffenlichen gothait / hat fursichtichlich geordnet / vnd gesaczet / furstlich wirdicheit / nach gelechnuzze ir selbs / mit soelichem gewalt / daz si ier vndertanen schirme vnd in frid behalte mit gerechticheit mit der si ier vndertanen guottet begabe vnd ir missetet / pezzert chestige vnd ab nem Daz von pilde soelicher begabung / die gueten an irr frvmcheit auf nemen / vnd von vorchte / pillicher pene / die poesen / nider gedruket vnd gechrenchet werden / vnd ouch mit guetichait mit der furstliche hochhait igleichen menschen vberfluozichlichen an raycze willig vnd berait mache / ze danchnemer dinstbercheit ze merung gemaines guotes vnd ze vndersten vnd wenden schedlich vnd bresthaft sachen / dieselben guetichait furstliches adel irn vndertanen / so vil miltichlicher tailen sol / alz vil si an in merer trew lautter begir vnd vester stetichait inne wirdet vnd enphindet . Darvmb / wan an dem anuange vnsers inganges in die Grafschaft / ze Tyrol / vnd die Herschaft / an der Etsch vnd in dem Intal / do wirr gen Hall chomen vnd ettleich mechtige vnd gewaltige / vmb ir freuelichen vbergriffe strafen / vnd pezzerten von derselben straffvng / herte vnd veintlich aufleuffe wurden / daz wir ein weil / in zweiel waren / vnsers lebens / Die purger von Halle ainhellichlich / vnd gemeinlich / mit sampt vnsern getrewn lieben . . den purgern von Inspruk / wol gerust vnd gewappent mit mendlichem muete vnd werlichen handen / zu vns luffen / vnd ir guot / leib / vnd leben / durch vnsern willen auf die wage leyten / vnd ouch / mit ierr vesten chvnhait vns hulfen / daz wir die freuelen aufleuffen widerspenicheit / vnd vngehorsami von den gnaden / des almechtigen gots von dem aller sig fleuzzet / vberchamen / vnd vberwunden alz vollichlich daz wir des ewigen frvmen / vnd ere genomen haben / wan ouch dieselben vnser purger von hall / mit uns so starklich / getrewlich vnd kostlich / von vnsern wegen in disen gegenwurtigen krieg wider die herczogen von payrn getretten sind . Dunchet vns pillich vnd zimlich daz wir in der trew / vnd vesticheit dancken mit solchen gnaden / der si all ir nachkomen vnd die stat ze Hall ewigen frvmen nucz vnd ere haben / vnd wan wir nach den freyhaiten / vnd hantfesten die wir von Roemischen keysern vnd kvnigen haben / in allen vnsern Landen stetten / vnd Gepieten neue recht freyhait / vnd gesezde mit keyserlichem gewalte / stiften / stoeren / auf seczen / ab seczen / geben / vnd nemen mugen / Geben seczen / verleihen / vnd stiften / wir mit keyserlicher macht / fur vns vnser brueder vnd erben / den vor genanten purgern vnd der stat von Hall / in dem Intal dis nach geschriben gnade / stuke vnd artikel zu steten / ewigen vnd ymmer werenden rechten / vnd gesezden mit chraft diser gegenwurtiger hantfeste vnd briefe . Des ersten geben wir in solich freyhait vnd recht daz si auz allen vnsern leuten si Sein vnser aygen oder Voegtleut / oder her chomen levtt purger enphahen vnd nemen sullent / vnd mugent ouch ze gleicher weise in ir purchrecht / aller ander Gozheuser Levtt / frey levtt vnd vogtleutt wo / oder vnder wem die gesezzen sind ze purgern enphahen / an vnser vnd menichlichs ierrung / vnd widerred . Darnach seczen wir / in dem namen / alz davor / vnd wellen / daz man auz allen vnsern Gerichten lazz / zuo der stat ze Hall / furen / holcz / wiltpret vnd visch vnd daz ir vischer / auf vnsern wazzern vischen / an vnser / vnd allermenichlichs hindernuzz / vnd ierrung . Wir seczen ouch / vnd wellen / welich man / oder weib in derselben stat / an leiberben / ab gat / das des / oder der guot / vnd hab geuall auf die nechsten erben / vncz auf die fvmften sippe . Was ouch / die e genanten purger / von Hall koufmanschaft hinab gen wienn / oder von wienn herauf gen Hall fuerent / auf dem wazzern / die ir alain ist vnd nieman anders vnd des si / der stat / offen brief habent / von derselben kaufmanschaft / sullent si / chain mautt / noch zol geben / noch richten / ze scherding / ze nevmburg auf

dem In / ze Lyncz / ze stayn / noch ze krems / sunder si sullent an denselben stetten / mavtt / vnd zolles frey / vnd ledig sein ewichlich an all widerred vnd geuerd . Darnach geben wir in von besvndern gnaden dye freyung / waz si weins in ir stat ewichlich fuerent / den si darinn vertuont / vnd der von der stat nicht chvmt / von demselben wein sullent / si an dem Luog / vnd an allen andern mautten / vnd zoellen zollfrey / vnd mauttfrey sein ewichlich / Was aber si oder ander Lewt weins / von der stat verfuerent in andrew Land / von demselben sullent si zesamt andern rechten die von alter dauon geuallent / geben / zol vnd mautt / an dem Luog vnd an allen andern mautten / vnd zoellen die dauon gepuorent vnd sol das in der stat ze Hall beseczet werden / mit vnsers zollneres wizen / vnd Rat an dem Luog / daz daran chain untrew / vnd geuerd / be

F040-001,10 schehen mug . Darczu vernewen vnd beStetten wir den vor gen vnsern purgern von Hall fur vns vnser brueder vnd erben / alle die hantfesten recht freyhaiten / gnaden / vnd guot gewanhaite / die in von der herschaft von Tyrol / oder von andern fursten / vnd heren gegeben vnd verlihen sind oder die si von alter / mit gueter gewonhait gehabt vnd her bracht habent . Darumb gebieten wir ernstlich / bey vnsern hulden allen vnsern Lantheren Rittern / vnd knechten allen vnsern hauptleuten / Voegten / Phlegern / Richtern / mauttern / zollnern purg

F040-001,11 grafen vnd allen andern vnsern amptleuten / vnd vndertanen / gegenwurtigen / vnd chvnftigen / wie si genant sind / daz si / die e genanten / vnser purger von Hall bey den vor geschribenen Rechten / vnd gnaden / vnd bey diser vnser bestettung / vnd vernewung gericht² beleiben lazzen / vnd in chain irrung hindernuzz noch ingriff daran tuon / noch yemant tuon lazzen . wer ez aber / daruber tete / vnd dawider / mit freuelicher getursticheit cheme / Der wizze / daz er darvmb swerlich in vnser vngenad vnd darczu fvmf vnd zwainczig mark Goldes ze wandel / veruallen ist / desselben Goldes vns in vnser kamer / zehen mark der e gen¹ stat von Hall / zehen mark vnd vnser kanzley fvmf mark werden vnd geuallen sullent / ane gnade . Diser dinge sind geczeugen / die Erwirdigen bisch³ Albrecht von Trient / Bischof Johans von Gurk vnser lieben kanzler / der abt von Luders / Chvonrat abt von Wiltein / die edeln graf Ott von Ortenburch / Graf Wilhalm von Montfort her ze Bregenz / Graf Rudodolff von Nydaw / vnser lieben Ohem / Graf Vlreich von Cyli vnser hauptmann in Krain / Vnser getrewn lieben Chvnrat von Aufenstain / Otaker der Rorer / Hainreich von Rotenburg genant von Kaltarn hofmaister ze Tyrol fridreich von Greiffenstain / Hainreich der Raspe / Hainreich von Rappach vnser hofmaister Iohans der Kenevzzer vnser hofmarschalich vnd vil ander erberr Levte / Ritter / knecht vnd purgere . Vnd des ze ainem offenem vrchund / warer geczeugnisse vnd ewiger sicherheit / aller der vor geschriben dingen hiezzen wir vnser grozzes furstlich Insigel henken an disen brief . Der geben ist ze Insprukk an sand Symons vnd sand Iudas abent / der zwelfbotten . Nach kristes gepurd / dreuczehenhundert iar / darnach in dem drewvndersechzigisten Iare / vnser alters in dem vier/vndzwainzigisten vnd vnser Gwaltes in dem sechsten Iare . Wir . der . vor genant . herzog Rudolf sterken . disen . prief . mit . dirr . vnderschrift . vnser . selbs . hant Et nos Johannes dei gracia Gurgensis episcopus prefati domini nostri ducis Austrie primus cancellarius recognouimus prenotata Wir Ruodolff von gotes gnaden / herzog ze Osterreich ze steyr vnd ze kernden Graf ze Tyrol c Emb⁴ vnsern getrewn / allen mauttern / zollnern / vnd andern amptleuten dacz Scherding / dacz Newmburg an dem In / ze Lincz / ze Stain / vnd ze Krems / gegenwurtigen / vnd knvftigen / vnser gnad / vnd alles guot . Wir lazzen ew wizen / daz wir / vnsern getrewn lieben / den purgern / von Hall / in dem Intal / vnder andern rechten / vnd freyungen / die wir in / vnd irr Stat / durch irr getrewn / vnd fleizzigen dinst willen / ewichlich geben haben / die genad besvnderlich getan haben . Was si koufmanschaft von Hall / hinab gen wienn / oder von wienn / herauf / gen hall furent / auf dem wazzer / die ir alain ist / vnd nieman anders / vnd des si / der stat offen brief habent / von derselben koufmanschaft sullen si / chain mautt / noch zoll geben / an den e genanten mauttstetten vnd sullen si davon / ledig vnd frey sein ewichlich / an all widerred / vnd geuerd / als in der hantfest geschriben stet / die si von vns daruber habent . Emphelhen wir ew / vnd wellen gar ernstlich / daz ir si / bey der gnad vnd freyung beleiben lazzet / vnd in chain irrung / noch hindernuzz dawider tuot in dhainem weg . Mit vrchvnd dicz briefs . Geben ze Hall in dem Intal / an Svnntag / nach sand Andres tag / des heiligen zwelfbotten . Anno domini millesimo Trecentesimo / sexagesimotertio hoc . est . verum Wir Ruodolff von gotes gnaden / Herczog ze Oestereich ze Steyr / ze kernden vnd ze krain Graf ze Tyrol c Tuon chunt daz wir / den grozzen zol ze Insprugg / vnd ze hall / den wir ieczund / von vnserm getrewn lieben hainreichen dem Snelman / Phleger / in dem Intal / geloestet haben / Vnsern getrewn lieben .. dem Rat / vnd den purgern / vnser Stat ze hall / durch der lauttern trewe / vnd steter dienst willen / die si vns / vnd vnsern bruedn erczaigt habent / vnd ouch ze ergeczung irs schadens / den si in disem chrieg genomen habent / in geantwurt vnd empholhen haben . Also / daz si den mit allen nuzen rechten vnd eren die darczu gehoerent / inn haben / vnd niezen sullent genczlich / vncz an vnser oder vnser brueder widerrueffen . Wenne wir ouch denselben zol / wider an vns nemen / vnd in den von gnaden / nicht furbas lazzen wellen / So sullen wir in vnsern e genanten purgern von Hall / fur ander levte lazzen / vmb ainen zeitlichen dinst vnd zins / an all geuerde . mit vrchond dicz briefs . Der geben ist ze wienn / an mentag / nach Gots leychnams Tag . Nach kristes gepurd drew